

সূচী

প্রিন্ট: ৩০ জুলাই ২০২৬, ১১:৫২ এএম

শিক্ষাঙ্গন

জাহাঙ্গীরনগর বিশ্ববিদ্যালয়ের নতুন প্রক্টর অধ্যাপক জাকির হোসেন

Advertisement



জাবি প্রতিনিধি

প্রকাশ: ২৯ জুলাই ২০২৬, ১১:৫৪ পিএম



অধ্যাপক মো. জাকির হোসেন ও জাহাঙ্গীরনগর বিশ্ববিদ্যালয়ের লগো। ছবি: সংগৃহীত

জাহাঙ্গীরনগর বিশ্ববিদ্যালয়ের (জাবি) নতুন প্রক্টর হিসেবে দায়িত্ব পেয়েছেন দর্শন বিভাগের অধ্যাপক মো. জাকির হোসেন। বিশ্ববিদ্যালয়ের বর্তমান প্রক্টরের পদত্যাগপত্র গ্রহণের পর তাকে এ দায়িত্ব অর্পণ করা হয়েছে।

বুধবার (২৯ জুলাই) বিশ্ববিদ্যালয়ের ভারপ্রাপ্ত রেজিস্ট্রার ড. এ বি এম আজিজুর রহমান স্বাক্ষরিত এক অফিস আদেশে বিষয়টি আনুষ্ঠানিকভাবে জানানো হয়।

বিশ্ববিদ্যালয় প্রশাসন সূত্রে জানা গেছে, সম্প্রতি ব্যক্তিগত কারণে দায়িত্ব থেকে অব্যাহতি চেয়ে আবেদন করেন বর্তমান প্রক্টর ও পরিবেশ বিজ্ঞান বিভাগের অধ্যাপক ড. এ. কে. এম. রাশিদুল আলম। তার আবেদনের পরিপ্রেক্ষিতে বিশ্ববিদ্যালয় কর্তৃপক্ষ পদত্যাগপত্র অনুমোদন করে রাশিদুল আলমকে প্রক্টরের দায়িত্ব থেকে অব্যাহতি দেয়।

ঢাবিতে জলাধার পরিষ্কার ও পদ্ম ফুলের চারাসহ ছাত্রদলের বৃক্ষরোপণ

এরপর বিশ্ববিদ্যালয় প্রশাসনের সিদ্ধান্ত অনুযায়ী, বুধবার (২৯ জুলাই) বিকাল থেকে পরবর্তী নির্দেশ না দেওয়া পর্যন্ত অধ্যাপক মো. জাকির হোসেনকে সাময়িকভাবে প্রক্টরের দায়িত্ব পালন করার জন্য নিয়োগ দেওয়া হয়েছে।

আদেশে উল্লেখ করা হয়েছে, নবনিযুক্ত প্রক্টর বিশ্ববিদ্যালয়ের বিধি ও প্রচলিত নিয়ম অনুসারে দায়িত্ব পালন করবেন এবং পদ সংশ্লিষ্ট সব ধরনের সুযোগ-সুবিধা ভোগ করবেন।

একই সঙ্গে বিদায়ী ও নবনিযুক্ত প্রক্টরকে দ্রুততম সময়ের মধ্যে দায়িত্ব হস্তান্তর ও গ্রহণের আনুষ্ঠানিক কার্যক্রম সম্পন্ন করার নির্দেশ দেওয়া হয়েছে। এ প্রক্রিয়া শেষ হওয়ার পর সংশ্লিষ্ট সনদ রেজিস্ট্রার দপ্তরে জমা দেওয়ার কথাও অফিস আদেশে উল্লেখ করা হয়েছে।